

四川大學古籍整理研究所編

儒藏

史部

第七十二冊

四川大學出版社

B222
30
(72)

四川大學古籍整理研究所 編

儒藏·史部

儒林年譜

第二十二冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

海忠介公年譜	清・王國憲 編撰	一
陳士元先生年譜	胡鳴盛 編撰	一五三
三一教主夏午尼林子本行實錄	明・盧文輝 存稿 清・陳衷瑜 編撰	一九五
觀生紀	明・耿定向 編撰	三五九
太史來瞿唐先生年譜	明・古之賢等 編撰	四〇九
孫文恭公年譜	李獨清 編撰	五四一
李卓吾年譜	(日本)鈴木虎雄 編撰 朱維之 翻譯	七〇一
李贄年譜	容肇祖 編撰	七九五



儒藏

目錄

海忠介公年譜

清·王國憲編撰

楊世文校點

李文澤一審

郭齊二審

清光緒三十二年刻本

《海忠介公年譜》一卷，清王國憲編撰。清光緒三十二年瓊山擘經書院刻本。

海瑞（一五一四—一五八七），字汝賢，一字國開，自號剛峰，明廣東瓊山（今屬海南）人，回族。嘉靖二十八年中舉，初授教諭、知縣，興利便民，屢斷疑案，深得人心。遷戶部主事，言事觸諱，被逮入獄。後起任應天巡撫，傾力治河，推行「一條鞭法」。神宗時，遭排擠，被革職，閑居十六年。起為南京吏部右侍郎、右僉都御使，力主嚴懲貪吏。病卒，謚忠介。瑞居官清廉，剛直不阿，有「海青天」之稱。著有《海瑞集》。

王國憲，清末廣東瓊山人，與海瑞同里。

是譜凡有關譜主讜言直行，在在表而出之。且評議頗多，每每結合現實，幾為評傳。考證不多，然盡其所能，亦皆有據。而挽詩、辯誣疏之類盡數搜羅，亦可稱詳備。

海忠介公年譜

同邑後學王國憲輯

公名瑞字汝賢、一字國開、號剛峯、學者稱剛峯先生。
上世自南宋始、祖官指揮、諱依、由閩來廣、籍番禺。依
生鉉、鉉生甫震、甫震生遜之、遜之生答兒。洪武
十六年、答兒從軍海南、居瓊山、爲公高祖。不再傳而
族姓蕃衍、科甲繼起、爲海南望族。曾祖福、敕封松溪
縣知縣。祖寬、景泰七年丙子、領鄉薦、官福建松溪縣
知縣。從伯父澄、成化十一年乙未、科賜進士、官四川
道監察御史。濶、宏治五年壬子、科舉人。父瀚、廩生、天



性警敏、讀書能明大義。不治生產、安貧樂道。公甫四齡而父捐館、後以公貴、贈承德郎、尚寶司司丞、晉贈中憲大夫、南京通政司通政使、都察院右副都御史。母謝氏矢志勵節、教訓惟嚴、有斷機畫荻之風。公嘗謂稍知禮義、勉自慎飭、非若冲年背父者、母氏諄諄訓誨之力也。隆慶時、請旌於朝、當時忌公者力阻之、不獲旌表如例。初封恭人、晉封夫人。世居西郭外下田村、與邱文莊公同里。參用公家譜與公鄉諸先生書、梁雲龍公行狀。雲龍字會可、由進士部曹官至湖廣巡撫。

正德八年癸酉十二月廿七日生。

十一年丙子

公四歲、贈公卒。太夫人教之誨之、口授孝經、學庸諸書、輒能成誦。出就外傳、必擇嚴師託之。其成就大器、良非偶然。參用行狀。

嘉靖五年丙戌

公十四歲。案公稍知識、即欲學爲聖賢、謂聖賢千言萬語、只是欲人識其真心。率其真而終身行之、便是聖賢。其自少操修已如此。同上。

十九年庚子

公二十八歲、在郡庠讀書。與二三同志辨明學術、嚴



課功修郡學博且嚴敬之不敢間黷遺常例人咸稱
爲道學先生相率師事之公惕然爲作師說以詔之
曰今之爲學者決狀元進士於科第人恒壯之此學
何自而來聖賢以識真誨人其說備在方策惟宜潛
心玩味而踴躍於諷誦時舉仲由之不恥緼袍孟子
之藐大人伯夷之敢於非聖服之心胸往來不置或
者充養有機耳其論文藝則曰文不過如畫師之寫
神窮一生讀書作文而於國家身心毫無補益何異
宋人所謂可惜一生心用在五字上者乎故公之用
心匪特恥爲聲詩卽古今文詞要以闡發性靈而止

雖不稟古則而自成一家大率如其為人。參用行狀與公訓諸文。

二十三年甲辰

公三十二歲。案公與文莊公曾孫郊遊以道義相切劇。郊建樂耕亭讀書其中。公常過從。爲誌並賦詩以贈之。參用樂耕亭記。

二十五年丙午

公三十四歲。是年督學林公始刮目公文。廉其行誼。大加獎賞。適有前因大故所出婦許氏訟公。且誣裝資。林公詰問。以出妻令其可嫁爲對。至所誣裝資俱



備藏

海忠介公年譜

不辨、惟稱貸倍償而已。林公益重之。秋九月、公從子鵬頌鄉薦、後官廣西蒼梧縣知縣、梧州通判。參用行狀與縣志。

二十八年己酉

公三十七歲。督學蔡公按試瓊州、試題爲不曰白乎二句。得公卷、抱玩移時。因詢知公微隱事、歎曰、此所謂湟而不緇者乎。是年秋、公舉於鄉。其對治黎策云、天下之事、圖之貴有其法、而尤在於得人。何謂法。經畫而條理之、卓有成緒可考者、法之謂也。何謂人。所以經畫而條理之、卓以成績自許者、人之謂也。得其人而不得其法、則事必不能行。得其法而不得其人、



則法必不能濟。人法兼資而天下之治成。則夫今之瓊黎其處置之法國所當講而以身任事之人又非瓊人之所深望者乎。夫執事之間華心宣化之圖山川夷險之勢。類服得失之由。愚生固曰得其人之爲貴。何也。誠見夫蠢茲有衆。可以一鼓而擒。而直爲是廩廩者。亦曰地險不可以馳驅。兵強不可以禦敵。不知自古及今之寇。未嘗不據險以爲強。自古及今之師。亦未嘗畏險而長寇。苟我不弱。天下無強兵。苟我術周。天下無險地。瓊崖衝所之兵。自邱文莊奏不許徵調以來。今日已如驕子。其不足以應敵也明矣。故

前郎溫之敗、皆未戰怯聞千里、臨敵先期於敗爲之也。先哨去而後哨改、彼欲進而此欲退爲之也。今日之禍、雖有以激之使然、然猖獗二年、崖民死徙將盡、未有能剿絕而安輯之者、尙得謂之有人乎。今王命赫然舉兵誅之。夫以萬全之力、視此直狐兔耳。其束髮繫頸、計日可待也。然愚生之所憂者、元至元屯田立學、復起文河之憂。毛氏提師壓境、不開十字之道。欲爲目前苟安之圖、不思萬世無窮之利、根株之不振、則未必後日之不如今也。夫瓊黎中處環海州縣、譬之人、則心腹之疾也。失今不治、後將浸淫四潰。



而爲四肢之患。皇甫規所謂虺蛇入室不可一日安焉者也。故愚生以爲今日之計不過堅持開十字道之心、固執立州縣之計而已。自此之外、雖議之之盡其方、處之之盡其術、皆下策也。何者。昔之議者謂盡殺黎類爲忍、而究其所以爲說、不過曰禁商人之貿易、則黎無以爲矢刀之資。夫利之所在、人共趨之、雖死有所不顧、而況於鐵首其戎者乎。是奸商雖不可不禁、而有不容於盡禁者矣。不過曰禁軍民之逃亡、則黎無以深剗奪之毒。夫徭役之不擾、俯仰足資、固有樂之者。況於州縣復爲之毆乎。是逃亡雖不可不

禁而有不容於終禁者矣。不過曰治土酋之刻削則
黎無以爲變亂之激。夫讀書知禮義者、朘剥良民、雖
廉恥有所不顧、而況於土酋之無知者乎。是貪酋雖
不可不懲、而有不容盡懲者矣。始終悞宋者、在一和
字、姑爲一時撫綏之計、不可以策黎也。革心宣化、致
且遲於百年、官吏之遷陟不常、人性之貪暴不一、以
一人之身而思一以德化之、不可以策黎也。所宜乘
今日大軍之勢、首惡旣平之後、開通十字大路、州縣
所之可移者移之、屯田之可徙者徙之、遷良民之無
田者佃其中、其不宜剿滅者徙之於外、夫然後爲百



年之計而瓊民享無窮之福矣。不然今日赫然之舉復如前日收兵之速、剿除雖盡於小民無所益也。又安知後日之不如今而復爲民害乎。又不然而徒曰革心宣化云者、吾未見州縣之不立十道之未通而可以革心宣化也。嗚呼。此所以得其人之爲難而非得其法之爲難也。愚生之所憂者如此而已矣。而其所以策於執事者亦不過如此而已矣。若夫山川夷險之勢、叛服得失之由、瓊志歷歷如照、愚生欲語而未暇焉。狂瞽之見、惟執事進而教之。案公此策出、傳誦一時。其生平經濟、留心時事、卽於此見之。